



Ordinàntzia n. 08 de su 01.09.2020

Ogetu: Regulamentatzioni temporànea de sa circulatzioni stradali po esegutai is traballus de asfaltu in sa strada comunali Sabarussa-Pardu Nou.

SU RESPONSABILÌ DE SU SERVÌTZIU

Premìtiu ca s'impresa F.AL.COS s.r.l depit fresai e asfaltai sa strada comunali Sabarussa- Pardu Nou, e at domandau sa regulamentatzioni de sa circulatzioni stradale in sa strada inui s'ant a fai is traballus.

Considerada duncas sa netzessidadi, po amparai sa siguresa pùblica, de proibiri sa circulatzioni e sa sosta de is veìculus in sa strada interessada de custus traballus;

Arricidas is caratèsticas de sa strada interessada;

Intèndiu su parri de is ufizius cumpetentis e de s'ufitziu Tècnicu.

Vistus is artt. 6, 7 e 37 de su Còdixi de sa Strada, aprovau cun D.Lgs. 30-4-1992, n. 285 modificas afatantis, e su regulamentu de esegutzioni suu aprovau cun D.P.R. 16-12-1992, n. 495;

Vistu su Statutu Comunali;

Vistu su D.Lgs. n.267/2000;

ORDINAT

A movi de su 07/09/2020 e fintzas a s'acabbu de is traballus est proibida sa circulatzioni e sa sosta cun movidura in sa strada comunali Sabarussa - Pardu Nou.

Su tràficu de is veìculus faci a Pardu Nou s'at a stesiai in su viali Siamajore e in sa S.P. 9. Su tràficu de is veìculus faci a Sabarussa s'at a stesiai in sa S.P. 18 e sa S.P.9.

AVISAT

Totu is impitadoris de sa strada de respetai su chi est ordinau; is chi non dd'ant a fai ant a èssiri punius comenti est prevididu in su D.lg. 285/92 Còdixi nou de sa Strada;

DISPONIT

Po mori de su chi si ordinat asuba, s'impresa chi fait is traballus depit providiri a pònniri sa sennalètica stradali netzessària;

A s'acabbu de is traballus s'impresa at a providiri a torrai che a primu sa circulatzioni;

Su personali de sa Politzia Locali e is Carabineris sunt incarrigaus de fai respetai custa ordinàntzia.

Sighendi sa lei 07.08.1990, n.241, responsàbili de su protzedimentu est s'ufitziu de sa Politzia Locali, in sa persona de s'Istr.Dir. Piredda Corrado, e contra de custu provedimentu est amìtiu ricursu a su Tribunali Amministrativu Regionali de sa Sardìnnia, intra de sessanta diis de sa notifica cosa sua, o a su Presidenti de sa Repùblica, intra de 120 diis.

De su Comuni, 01 de cabudani 2020

Su Responsàbili de su Servitziu

Dott. Marco Casula